

Cançon Dormoire

1853

Alexandre Desrousseaux (1820 - 1892)

Andantino Eb Bb7 Eb Bb7 Eb Bb7 Eb

Chant



Dors, min p'tit quin - quin, min p'tit pou - chin min gros ro - jin,

5 Cmin Gmin Fmin Bb7 Eb *Fine* Ab




Te m'fras du cha - grin, Si te n'dors point qu'à d'main. Ain-si, l'aut' jour

10 Gmin Fmin7 Bb7 Eb C7 Fmin Bb7 Eb



eun' pauv' din - tel - liè - re, In a-mi-clo - tant sin p'tit gar - chon,

17 Ab Gmin Fmin7 Bb7 Eb Gmin



Qui, d'puis tros quarts d'heu - re, n'fai - jot qu'brai-re, Tâ - chot d'lin-dor -

22 Bb Cmin7 F7 Bb Bb7 Eb Eb



mir par eun' can - chon. Ell' li di-jot : Min Nar-cis-se, D'main, t'a-ras du

28 Bb7 C7 Fmin Fmin7 Bb7 *D.C. al Fine*



pain n'é-pi-ce, Du chuc à go - go, Si t'es sache et qu'te fais do - do.

Canchon Dormoire

Et si te m' laich' faire eun' bonn' semaine,
J'irai dégager tin biau sarrau,
Tin patalon d' drap, tin giliet d' laine...
Comme un p'tit milord te s'ras farau !
J' t'acat'rai, l' jour de l' ducasse,
Un porichinell' cocasse,
Un turlututu,
Pour juer l'air du Capiiau-pointu.

Dors, min p'tit quinquin, etc.

Nous irons dins l' cour Jeannette-à-Vaques,
Vir les marionnett's. Comme te riras,
Quand t'intindras dire : "Un doup' pou' Jacques !"
Pa' l' porichinell' qui parl' magas !...
Te li mettras dins s' menotte,
Au lieu d' doupe, un rond d' carotte !
I t' dira : Merci !
Pins' comm' nous arons du plaisi !

Dors, min p'tit quinquin, etc.

Et si par hasard sin maîte s' fâche,
Ch'est alors Narciss' que nous rirons !
Sans n'n avoir invi', j' prendrai m'n air mache,
J' li dirai sin nom et ses sournoms,
J' li dirai des fariboles,
I m'in répondra des drôles,
Infin, un chacun
Verra deux pestac' au lieu d'un.

Dors, min p'tit quinquin, etc.

Allons serr' tes yeux, dors min bonhomme,
J' vas dire eun' prière à P'tit-Jésus,
Pour qu'i' vienne ichi pindant tin somme,
T' fair' rêver qu' j'ai les mains plein's d'écus,
Pour qu'i' t'apporte eun' coquille,
Avec du chirop qui guile
Tout l' long d' tin minton
Te t' pourléqu'ras tros heur's de long !

Dors, min p'tit quinquin, etc.

L' mos qui vient, d' Saint-Nicolas ch'est l' fiête,
Pour sûr, au soir, i' viendra t' trouver.
I' t' fra un sermon, et t' laich'ra mette,
In d'zous du balot, un grand painnier.
I' l' rimplira, si tes sache,
D' séquois qui t' rindront bènache,
Sans cha, sin baudet
T'invoira un grand martinet.

Dors, min p'tit quinquin, etc.

Ni les marionnettes, ni l' pain n'épice
N'ont produit d'effet. Mais l' martinet
A vit' rapajé l' petit Narcisse,
Qui craingnot d' vir arriver l' baudet.
Il a dit s' canchon-dormoire,
S' mèr' l'a mis dins s'n ocheinnoire :
A r'pris sin coussin,
Et répété vingt fos che r'frain :

Dors, min p'tit quinquin, etc.